

PROCES-VERBAL

I mbajtur sot, në datë 20.02.2017, ora 11:00, mbi mbledhjen e Komisionit të Pavarur AD-HOC, të parashikuar nga nenet 23 dhe 121 të ligjit nr.115/2016 "Për Organet e Qeverisjes në Sistemin e Drejtësisë".

Në mbledhjen e parë të Komisionit të Pavarur Ad-Hoc, që do të kryejë verifikimin dhe vlerësimin paraprak të kandidatëve nga rradhët e Avokatisë për anëtarë të KLGJ dhe KLP-së, marrin pjesë përkatësisht:

- 1- Avokati i Popullit- z. Igli Totozani (Kryetar i Komisionit të Pavarur Ad-Hoc);
- 2- Kryetari i Akademisë së Shkencave – z. Muzafer Korkuti (anëtar në këtë komision);
- 3- Av. Arjan Salati (anëtar zëvendësues i komisionit nga rradhët e avokatisë)
- 4- Av.Eris Hysi (anëtare e komisionit nga rradhët e avokatisë)

Anëtarët prezentë në këtë mbledhje të komisionit, konstatojnë mungesën e Kryetarit të Këshillit të Emërimeve në Drejtësi, i cili mban njëkohësisht edhe cilësinë e zv.Kryetarit të Komisionit të Pavarur Ad-Hoc (neni 23 pika 2 dhe neni 121 pika 2 të ligjit nr.115/2016, "Për Organet e Qeverisjes në Sistemin e Drejtësisë").

Kjo mungesë, vjen si pasojë e dorëheqjes së Kryetares së zgjedhur të KED zj. Mirela Fana dhe gjithashtu, situatës së paqartë të krijuar pas dorëheqjes së shpallur nga ana e zv.Kryetarit, të KED z. Vladimir Kristo.

Për këtë arsye dhe për sqarimin e kësaj paraqartësie të krijuar, Avokati i Popullit, z. Igli Totozani, ka vënë në dijeni pjesëtarët e tjerë prezent në këtë mbledhje të Komisionit Ad-Hoc, duke bërë me dije edhe faktin se lidhur me këtë çështje i është drejtuar me shkresë zyrtare, Sekretares së Përgjithshme të Kuvendit të Shqipërisë si dhe Kryetarit të Komisionit të Ligjeve në Kuvendin e Shqipërisë.

Ende, jemi para faktit se nuk kemi një përgjigje zyrtare nga ana e Kuvendit të Shqipërisë lidhur me këtë çështje, gjë që pamundëson prezencën e plotë të të gjithë anëtarësisë së Komisionit Ad-Hoc, sikundër përcaktohet në nenin 23 pika 3 dhe nenin 121 pika 3 të ligjit.

Njëkohësisht, në këtë mbledhje Kryetari i Komisionit Ad-Hoc, z. Totozani, ka njohur në vija të përgjithshme anëtarët prezentë me detyrat e këtij komisioni, afatet ligjore proceduriale si dhe vendim-marrjet paraprake të nevojshme për ecurinë normale të punës së komisionit.


Në të këto rrethana, anëtarët prezent të komisionit, kanë vendosur ndërprerjen e mbledhjes së parë të Komisionit Ad-Hoc dhe mbledhjen e tij menjëherë mbasi të

përcaktohet se cili do të jetë anëtari i këtij komiisoni që do të përfaqësojë Këshillin e Emërimeve në Drejtësi.

Anëtarët Prezent:


Avokati i Popullit

z. Igli TOTOZANI




Kryetari i Akademisë së Shkencave të Republikës së Shqipërisë

z. Muzafer KORKUTI



Avokati z. Arjan SALATI



Avokate zj.Eris HYSI

